


TEZAU LITURGIC

31 OCTOMBRIE

**ACATISTUL
SF.PREOT-MUCENIC
IOAN
KOCIUROV
DE LA
TARSKOE SELO**



MOSCOVA, 2000



Акафист

священномученику Иоанну, пресвитеру Царскосельскому

Конда́к 1

Избра́нному перво́мученику Це́ркве Росси́йския
в годину́ лю́тых гоне́ний от безбо́жников
уби́енному, вене́ц нетле́нный от Го́спода
Вседержи́теля прия́вшему и вся́ ны́ своёю
сме́ртию ко и́стинней любви́ наста́вльшему со
дерзнове́нием и наде́ждою предста́тельства
небе́снаго взыва́ем:

Ра́дуйся, священномуче́ниче Иоа́нне,
па́стырю Села́ Ца́рскаго и перво́мучениче
Це́ркве Росси́йския!

И́кос 1

А́нгел с небесе́ по́слан бы́сть сохра́нати тя́ от
па́губных за́пинаний лука́ваго,
священномуче́ниче Иоа́нне, егда́ принесо́ша тя́
ко святе́й купе́ли духо́вныя сро́дники твоя́.
Бы́сть же тогда́ на Руси́ времена́ ми́рныя, и
никто́же ве́сть та́йну уби́ения твоего́ и
му́ченическаго к Бо́гу отше́ствия. То́кмо стра́ж

небе́сный, послуша́ние Бо́жие исполня́я, измла́да
руководя́ще тя незри́мо к венцу́
страсто́тёрпческому. Сего́ ра́ди, таковому́ о тебе́
Бо́жию промы́слению дивя́щися, воспева́ем
си́це:

Ра́дуйся, зе́млю Ряза́нскую рождéнием своим
освятивый; ра́дуйся, Иоáнном, в чéсть
Крестите́ля Господ́ня, наречéнный.

Ра́дуйся, кончи́ну му́ченическую прия́вый,
якоже и покрови́тель тво́й небе́сный; ра́дуйся,
рождéнием своим роди́телей своих
обра́довавый.

Ра́дуйся, па́стыря сéльского ча́до
благонра́вное; ра́дуйся, в за́коне Господ́нем
измла́да воспита́выйся.

Ра́дуйся, трудолю́бию и простоте́ отце́м
научéнный; ра́дуйся, ве́ру и благоче́стие ма́тере
своея́ унасле́довавый.

Ра́дуйся, священному́чениче Иоáнне,
па́стырю Села́ Ца́рского и перво́мучениче
Цéркве Росси́йския!

Конда́к 2

Ви́дя Сердцевéдец Бо́г ду́шу твою́, тёплою
любо́вию к Нему́ исполненно́ю, поста́ви тя на

высо́кий степе́нь свяще́нства и многотру́дный пу́ть служе́ния па́стырскаго. Ты́ же изнача́ла стопы́ своя́ напра́ви во страну́ да́льную, иде́же мно́гих ко Христу́ приводи́л еси́, навча́я неве́рныя и инове́рныя воспева́ти всеблагóму Просвети́телю ду́ш челове́ческих: Аллилу́иа!

И́кос 2

Разуме́в ме́сто, угото́ванное тебе́ Бо́гом для трудо́в про́поведи Ева́нгелия, оста́вил еси́ любе́зное оте́чество свое́, до́м сво́й и бли́жния своя́, не пеки́йся ни о сла́ве, ни о бога́тстве ми́ра сего́. Таковóму самоотрече́нию твоему́ дивя́щися, воспева́ем ти́ си́це:

Ра́дуйся, до́м и оте́чество ра́ди де́ла Госпо́дня оста́вивый; ра́дуйся, я́ко вся́ кра́сная ми́ра сего́ во уме́ты вмени́л еси́.

Ра́дуйся, избра́вый доброво́льно тяготы́ служе́ния на чужби́не; ра́дуйся, любви́ Христо́ву в служе́нии се́м приобрета́й.

Ра́дуйся, апо́столу Па́влу подража́вый; ра́дуйся, креста́ пропове́дническаго не устраши́вшийся.

Ра́дуйся, свы́ше прия́вый ду́ха му́жества и дерзнове́ния; ра́дуйся, ревни́телю Правосла́вия, просвети́телем дре́вним единона́вный.

Рáдуйся, священномúчениче Иоáнне, пáстырю Селá Цáрскаго и первомúчениче Цérкве Россíйския!

Конда́к 3

Си́лою Бо́жиею свы́ше укрепля́ем, священномúчениче Иоáнне, утвержда́л еси́ ве́ру правосла́вную во Аме́рице инове́рной и яви́лся еси́ после́дователь преподо́бнаго Ге́рманна Аля́скинскаго, приумножа́я виногра́дник Бо́жий на ниве Алеу́тской. Свети́льник сво́й никогда́же, пáстырю до́брый, уга́шал еси́, уны́ние премúдро низлага́я и во все́х обстоя́ниих ско́рбных навьика́я приноси́ти Го́сподеви смире́нную пéснь: Аллилу́иа!

И́кос 3

Име́я вои́стинну, священномúчениче Иоáнне, ве́лию и и́скреннюю любóвь к ма́лому ста́ду тво́ему, хра́м во и́мя Пресвяты́я Тро́ицы во гра́де Чика́го возве́л еси́. Сего́ ра́ди ра́довашеся благода́рная па́ства тво́я, и немóлчно сла́вляху предивнаго Бо́га, ще́драго в ми́лостех Свои́х, вызы́вая ти́ си́це:

Рáдуйся, храмозда́телю, о сла́ве Бо́жией усéрдно пекийся; ра́дуйся, о лю́дех твои́х, я́ко оте́ц о ча́дах, забо́тивыйся.

Ра́дуйся, труды́ ко труда́м прилага́вый;
ра́дуйся, про́поведь Ева́нгелия со воздви́жением
хра́ма Госпо́дня благополучно сочета́вый.

Ра́дуйся, мзду́ от Го́спода за тру́д свой
справедли́во прия́вый; ра́дуйся, де́йствием Ду́ха
Свята́го на дела́ Бо́жия вдохновле́нный.

Ра́дуйся, честна́го па́стырства о́бразе и
пра́вило.

Ра́дуйся, священномучениче Иоа́нне,
па́стырю Села́ Ца́рскаго и первомучениче
Це́ркве Росси́йския!

Конда́к 4

Бу́ря помышле́ний сумни́тельных найде на тя́,
Иоа́нне священномучениче, егда́ те́стю тво́ему, в
боле́знях и недúзех лежа́щу, зва́ху тя́ ю́жики твоя́
во оте́чество верну́ться. Ты́ же уве́дел еси́ во
призы́ве се́м волю́ Госпо́дню, о тебе́ та́ко
промышля́юще, повину́лся еси́ гла́су сро́дник
твои́х и, Иоа́нну Ку́щнику подо́бся, на ро́дину
возверну́лся еси́, Го́сподеви поя́: Аллилу́иа!

И́кос 4

Слы́шаша бли́жнии твои́ возвраще́ние твоё с
ра́достью сретáху тя́. Ты́ же, ма́ло утёшився,
па́ки возложи́л еси́ ру́це свои́ на плу́т се́яния

сло́ва Бо́жия, во гра́де На́рове водворя́ясь во исполне́ние но́ваго послуша́ния церко́внаго. Сего́ ра́ди приими́ от на́с похва́лы сицевы́я:

Ра́дуйся, во́ле Госпо́дней научи́выйся повинова́тися; ра́дуйся, желáний сво́их уме́вый отрешáтися.

Ра́дуйся, испо́нь послуша́ние Бо́гови безро́потно и недоса́дливо; ра́дуйся, и на́с сле́довати хотéнию Небе́снаго Отца́ наставля́яй.

Ра́дуйся, вы́ю свою́ под я́рем за́поведей ева́нгельских подклони́вый; ра́дуйся, лёгкое брё́мя учéния Христо́ва в жити́ твоём носи́вый.

Ра́дуйся, по́мысл тщесла́вия исше́ствием на но́вое ме́сто служéния низложи́вый; ра́дуйся, избежа́вый хва́лы от челове́к исхо́дом из ме́ста, иде́же и́мя твоё просла́вися.

Ра́дуйся, священномучени́че Иоáнне, па́стырю Села́ Ца́рскаго и первомучени́че Це́ркве Росси́йския!

Конда́к 5

Богому́дрым учéнием За́вета Но́ваго ду́ши ученико́в твои́х пита́л еси́, трудя́ся неуста́нно, до́ндеже вообрази́тся в сердца́х их сладча́йшее и́мя Го́спода Иису́са. Просвети́ у́бо и на́ша о́чи

сердечныя, о́тче на́ш Иоáнне, да возсия́ет и в нихъ лѹбѡвь Бѡ́жия, стра́сти грехѡвныя по́паляющая и от сла́дости ми́рскаго жити́я отреша́ющая, во е́же чистосердечно́ пѣти на́м Бѡ́гови а́нгельскую пѣснь: Аллилу́иа!

И́кос 5

Ви́дя Про́мыслитель Го́сподь, вся́ на по́льзу раба́м Свои́м стро́яй, я́ко зако́ноучи́тельством ве́лий пло́д принесе́н бу́дет ду́ше тво́ей и Це́ркви Христо́вой, поста́ви тя учи́теля Зако́ну Бѡ́жию гимна́зий на́ровских. Ты́ же терпе́нием, снисхожде́нием и лѹбѡвию раство́рял еси́ сло́во тво́е о Бо́зе, священномучени́че Иоáнне, исполня́я за́поведь Христо́ву: «Смотрите́, не прѣзрите́ еди́наго от ма́лых сихъ». Не прѣзри́ убо и на́с, па́стырю до́брый, но умно́жи в на́с ве́ру твои́ми к Бо́гу ходата́йствы, да с благоговѣ́нием взы́ваем ти́ си́це:

Ра́дуйся, наста́вниче отро́ком ма́лым в зако́не Го́споднем; ра́дуйся, ча́д ма́лых ко Христу́ за́ботливо приводи́вый.

Ра́дуйся, ве́ру, лѹбѡвь и наде́жду в нихъ умножа́вый; ра́дуйся, стра́ху Го́сподню ихъ навча́яй.

Ра́дуйся, на сте́зях спасе́ния стопы́ их
утвержда́й; ра́дуйся, на ка́мени за́поведей
евангелѣских душе́вный до́м их устраи́ай.

Ра́дуйся, и са́м незло́бию и простоте́ у них
учи́вайся; ра́дуйся, назида́вый их ко хра́му
Бо́жию вы́ну прилепля́тися.

Ра́дуйся, священномуче́ниче Иоа́нне,
па́стырю Села́ Ца́рскаго и перво́мучениче
Це́ркве Росси́йския!

Конда́к 6

Про́поведию Евангеліа и уче́нием отроко́в
непреста́нным умъ тво́й в Бо́ге неподви́жно
утверди́л еси́, священномуче́ниче Иоа́нне. Уже́
бо пріспе́ вре́мя уби́ения твоего́, сего́ ра́ди
приведе́ тя Господь Пу́теводи́тель в Село́
Ца́рское, иде́же угото́ва ти ве́нец муче́нический,
его́же на главе́ сво́ей но́сиши, вы́ну по́я Е́му:
Аллилу́иа!

И́кос 6

Воссия́ в го́дину гоне́ний лю́тых свѣ́тъ ве́лий
новомуче́ник росси́йских от Христа́ Спа́са
на́шего. Оба́че тебѣ́, священномуче́ниче Иоа́нне,
повеле́ Господь пе́рвым прія́ти сме́рть от руки́
нечесті́вых во е́же положи́ти нача́ло кре́пкаго

стоя́ния за и́стину Бо́жию. Сего́ ра́ди приими́ от на́с похва́лы сицевы́я:

Ра́дуйся, за ве́ру правосла́вную и Це́рковь Христо́ву сме́рть вкуси́вый; ра́дуйся, ли́ку му́ченическому сопроти́вленный.

Ра́дуйся, да́же до проли́тия кро́ве свое́й подви́завыйся; ра́дуйся, Го́сподом на вы́соту́ страсто́тёрпчества поста́вленный.

Ра́дуйся, те́ло убива́ющих не устраши́выйся; ра́дуйся, до ко́нца до́лг сво́й па́стырский испо́лнимый.

Ра́дуйся, пу́ть сво́й земны́й ева́нгельски соверши́вый; ра́дуйся, перво́страда́льче ново́мученик ру́сских.

Ра́дуйся, священно́мучениче Иоа́нне, па́стырю Села́ Ца́рскаго и перво́мучениче Це́ркве Росси́йския!

Конда́к 7

Хотя́ утёшити ду́ши смяте́нныя и умири́ти сердца́, ненави́стию помраче́нныя, кресто́ным хо́дом по Селу́ Ца́рскому шество́вал еси́, о́тче Иоа́нне, моля́ Го́спода о сущи́х во вражде́. Но не укроти́ся я́рость зве́рская и не восхоте́ша

безу́мнии злобу́ свою́ оста́вити и воспéти Го́сподеви: Аллилу́иа!

И́кос 7

Но́ваго предста́теля о Це́ркви Росси́стей сотвори́ тя безбо́жники, Иоа́нне му́чениче, егда́ убива́ху тя на окра́ине гра́да твоего́. Измышля́ше бо нечесті́вии ве́ру правосла́вную извести́ на Святе́й Руси́. Поги́бе па́мять их с шу́мом, і́мя же твоё на Небеси́ сия́ет па́че све́та со́лнечнаго и на землі́ от ча́д Це́ркви Ру́сския прославля́ется похва́лы сицевы́ми:

Ра́дуйся, предста́телю о нас пред Го́сподем непосты́дный; ра́дуйся, моли́твенниче о ча́дах твои́х дерзнове́нный.

Ра́дуйся, ходатаю́ о Це́ркви Росси́стей, Бо́гом избра́нный; ра́дуйся, в ско́рбех на́ших помо́щниче и в беда́х засту́пниче.

Ра́дуйся, боля́щих и стра́ждущих услы́шателю ско́рый; ра́дуйся, воздыха́ния на́ша прие́мляй и к Бо́гу ско́ро вознося́й.

Ра́дуйся, щито́м моли́тв твои́х от напа́стей нас огражда́й; ра́дуйся, чту́щим святу́ю па́мять твою́ покрове́ благодáтный.

Ра́дуйся, священномучениче Ио́анне, па́стырю Села́ Ца́рскаго и перво́мучениче Це́ркве Росси́йския!

Конда́к 8

Стра́нник и пришеле́ц бы́л еси́ в жи́зни вре́менной, священномучениче Ио́анне, живы́й во отда́лении от любезна́го оте́чества твоего́. Егда́ же соверши́ся вселе́ние твоё во гра́д Царскосе́льский, то́ и та́мо приста́нища земна́го не обре́л еси́, но а́бие мученическую́ сме́рть прия́л еси́, шеству́я к ме́сту упоко́ения ве́чнаго и Го́сподеви по́я: Аллилу́иа!

И́кос 8

Ве́сь наро́д правосла́вный у́жасом и ско́рбью объ́ят бе́, егда́ распространи́ся ве́сть о уби́ении твоём, Ио́анне пресви́тере. Си́е бы́сть нача́лом междоусо́бия стра́шнаго и кро́вопроли́тия небыва́лаго. Си́е же бы́сть и нача́лом вели́кия сла́вы Це́ркве на́шея, кро́вьюи новомученик украси́вшейся, ея́же и ты́, иере́ю Царскосе́льский, прича́стником яви́лся еси́. Сего́ ра́ди вопи́ем ти́ такова́я:

Ра́дуйся, на ро́дину возврати́выйся, во е́же приобщи́тися ча́ше страда́ний Го́сподних;

ра́дуйся, ри́зы своя́ убели́вый бели́лами му́к
телесных.

Ра́дуйся, а́гнче незло́бивый, волка́ми
сви́репыми на закла́ние уведённый; ра́дуйся, от
гре́х своих кро́вию соверше́нне омовённый.

Ра́дуйся, ра́нами твои́ми вше́дый во Свята́я
Святы́х Иеру́сали́ма го́рняго; ра́дуйся,
священно́е нача́ло Голго́фы ру́сския.

Ра́дуйся, звездо́ путево́дная, све́том
спаси́тельным сия́ющая; ра́дуйся, заре́ благода́ти
новому́ченик росси́йских.

Ра́дуйся, священному́чениче Иоа́нне,
па́стырю Села́ Ца́рскаго и перво́му́чениче
Це́ркве Росси́йския!

Конда́к 9

Все́м благона́вным жити́ем твои́м привле́кл еси́
к себѣ ве́лию благода́ть му́ченичества, Иоа́нне
пресви́тере. Навы́кл бо еси́ измла́да
прилепля́тися Бо́гови се́рдцем твои́м,
страстоте́рпче чу́дный. Научи́ убо и ны́,
недостойны́я, иска́ти па́че всего́ Ца́рствия
Бо́жия, презира́ти же прехо́дящая и тле́нная,
воспева́я во умиле́нии Го́сподеви; Аллилу́иа!

И́кос 9

Вети́и многовещáннии не возмо́гут по
достоя́нию сла́ву святы́х изобрази́ти.
Смирённый же у́м наш тщи́тся проникну́ти в
та́йну уби́ения твоего́. Жити́е твоё несквёрное,
священномучени́че Иоáнне, а́ще и потаёно
бы́сть, не возмо́же от Бо́га утай́тися. Сего́ ра́ди
приведе́ тя Госпо́дь к венцу́ страсотёрпца
но́ваго и соде́ла тя вхо́дом новомучени́к
росси́йских. Приими́ у́бо от нас похва́лы
сицевы́я:

Ра́дуйся, в жити́и твоём тёпле и умилённо
Бо́гу моли́вайся; ра́дуйся, ду́х сокруше́н и
се́рдце незло́бное имёвый.

Ра́дуйся, во днѣх твои́х пока́нию
навы́кнувый; ра́дуйся, сребролю́бия и горды́ни
избежа́вый.

Ра́дуйся, чистоту́, воздержáние и целомуд́рие
храни́вый; ра́дуйся, ду́шу имы́й пряму́ю и
побужде́ния до́брая.

Ра́дуйся, к бли́жнему твоему́ соуча́стливостъ и
сострада́ние приобре́тый; ра́дуйся, служе́ние у
Престо́ла Бо́жия соверша́вый и́стово и
благоговейно.

Ра́дуйся, священномучениче Иоа́нне, па́стырю Села́ Ца́рскаго и перво́мучениче Це́ркве Росси́йския!

Конда́к 10

Спасти́ хотя́ мно́гия и все́х обра́щение терпе́ливо ожида́й пре́милосе́рдый Бо́г, сотвори́ тя, Иоа́нне пресви́тере, с про́чими ново́мученики ходатаи́ за зе́млю Ру́сскую. Моли́твы ва́ша мно́гия ду́ши из тьмы́ извлека́ют и на пу́ть спасе́ния поста́вляют. Ублажа́ем и почита́ем вы́, я́ко незри́мая вино́вники на́шего изба́вления и поём о ва́с Бо́гу: Аллилу́иа!

И́кос 10

Стена́ еси́ твёрда́ все́м прибега́ющим к тебе́, о́тче на́ш Иоа́нне. Обре́л бо еси́ лю́бовь, о нейже пи́сано е́сть, я́ко: «Любы́ долготерпи́т, все́му ве́рит и все́го наде́ется», и па́ки: «Не любя́й бо бра́та пребы́вает в сме́рти», и па́ки: «Соверше́нная лю́бы вон изгоня́ет стра́х». Удиви́ся мно́гия моли́твенному бесстра́шию и дерзнове́нию твоему́ и воспéша ти́ похвалу́ сицеву́ю:

Ра́дуйся, о гони́телех сво́их к Бо́гу вопия́вый; ра́дуйся, их бра́тией сво́ей нарица́вый.

Ра́дуйся, крѣстнымъ ходо́мъ тѣхъ вразумлѣ́нїа
иска́вый; ра́дуйся, сего́́ ра́ди растерза́нїе
хищное́ отъ нихже́ и претерпе́вый.

Ра́дуйся, ѿмиже́ оклеветанны́й и на сме́рть
жесто́кую уведѣ́нный; ра́дуйся, о́бразе
непови́ннаго злострада́нїа.

Ра́дуйся, ꙗ́ко проче́е ни боле́зни, ни му́ки не
косне́шися; ра́дуйся, ꙗ́ко со святы́ми ве́чно
ра́дуеши́ся.

Ра́дуйся, священномучени́че Иоа́нне,
па́стырю Села́ Ца́рскаго́ и перво́мучени́че
Цѣ́ркве Росси́йския.

Конда́к 11

Пе́нїе а́нгельское́ распро́странїся́ въ Ца́рскомъ
Селе́ во времена́ погáныхъ воцаре́нїа,
осквѣ́рншихъ зе́млю Ру́сскую. Егда́ убива́ху тя́
безбо́жнии хули́тели, копрони́мы новы́я, тогда́
Небеса́ възыгра́шася, прие́млюще во оби́тели
го́рнїа ду́шу твою́ непоро́чную, о па́стырю нашъ
Иоа́нне. Сїе́ же все́ бы́сть, да освя́тїтся пе́рвее
всего́́ Село́ пома́занника́ Господня́, Самоде́ржца
чи́стаго, уби́енїемъ иере́я проста́го, ꙗ́ко да и на́мъ
почита́ти ме́сто сїе́ моли́твеннымъ отсю́ду къ Бо́гу
взыва́нїемъ: Аллилу́їа!

И́кос 11

Светоза́рный лу́ч благода́ти новому́ченик озари́ тьму́ кромешную́, на Святе́й Руси́ воцари́вшуюся. Си́е бы́сть и пе́рвое зна́мение ми́лости Госпо́дней, я́ко не до конца́ отрёну́л Всевы́шний наро́д Сво́й, но вдаде́ и наказа́нию, да пока́ется, да вразуми́тся, да очи́стятся лю́дие Его́, и да воспо́лнится со вре́менем Це́рковь Ру́сская, во е́же и на бу́дущее вре́мя светíti Ёй все́му ми́ру спаси́тельным све́том Правосла́вия. Те́мже во́пиём перво́му́ченику Царскосе́льскому такова́я:

Ра́дуйся, страстоте́рпче до́блестный, к жи́зни во Христе́ нас призыва́яй; ра́дуйся, кончи́ною свое́ю крест Госпо́день чтíti нас навча́яй.

Ра́дуйся, кро́вию свое́ю му́ченическою ко исправле́нию нра́ва своего́ нас побужда́яй; ра́дуйся, высо́тою по́двига своего́ к пока́нию нас непреста́нно зовы́й.

Ра́дуйся, страда́льче честны́й, стра́жем Правосла́вия в стране́ на́шей от Бо́га учинённый; ра́дуйся, ева́нгельской И́стины свидете́лю добропобе́дный.

Ра́дуйся, волко́в душегуби́тельных от ове́ц ста́да Христо́ва отгоня́й; ра́дуйся, Це́ркве на́шей охра́но от ересей, раско́лов и лжеуче́ний.

Ра́дуйся, священномучени́че Иоа́нне, па́стырю Села́ Ца́рскаго и перво́мучени́че Це́ркве Росси́йския!

Конда́к 12

Благода́ти страда́льцев Господни́х, кро́вь свою́ за Христа́ проли́явших, неприча́стна бы́сть Це́рковь во оте́честве на́шем. Ве́мы, я́ко непреста́нная гоне́ния, в ни́хже Це́рковь Вселе́нская роди́ся, не косну́ся изна́чала Це́ркви Ру́сския. Но не мину́ше Ея́ о́бщая судьба́ Правосла́вия, востече́ бо и Та́ в го́дину лю́тую еди́нем путе́м ко Христу́ Своему́, вопия́ Ему́: Аллилу́иа!

И́кос 12

Пою́ще по́двиги мучени́ческие, ублажа́ем соу́зников Христо́вых, на ни́хже сло́во Его́ испо́лнися: «Возложат на ва́с ру́це и изго́нят вы́». Си́е определе́ние Бо́жие неукло́нно повсю́ду соблюда́шеся со вре́мен апо́стольских. Подоба́ше бо и Це́ркви Росси́йстей вни́ти в ча́с испытáния своего́, и́же проби́ в Селе́ Ца́рском уби́ением

Ио́анна, иере́я хра́ма собо́рнаго, емо́же глаго́лем
си́це:

Ра́дуйся, я́ко ты́ и без числа́ уби́еннии всі
концы́ земли́ на́шея освя́тили естѣ́; ра́дуйся, я́ко
не то́кмо своя́, но и грехи́ соотѣ́чественникъ сво́ихъ
кро́вию свое́ю омы́ли естѣ́.

Ра́дуйся, я́ко страда́ния твоя́ и всего́ со́нма
новомучени́к въздо́ша фими́амом благоуха́нным
превы́ше небѣ́с; ра́дуйся, основа́ние крѣ́пкое
ны́нешнего умно́женія ве́ры на Руси́.

Ра́дуйся, я́ко же́ртвою твое́ю и собра́тий
твои́х, повсю́ду мучившихся, приклоні́ся к намъ
на ми́лость Творе́ц вся́ческих; ра́дуйся,
сокруши́вый тьму́ безбо́жия и неве́рія прія́тиемъ
фи́ала гне́ва Господня́го.

Ра́дуйся, я́ко тебѣ́ ра́ди и все́х, на крѣ́стъ
возше́дшихъ в го́дину лю́тую, возсия́ днѣ́сь заря́
просвѣ́щенія но́ваго; ра́дуйся, судьбу́ свою́
соедини́вый съ судьбо́ю избра́нныхъ сыно́въ Це́ркве
Ру́сския.

Ра́дуйся, священномучени́че Ио́анне,
па́стырю Села́ Ца́рскаго и перво́мучени́че
Це́ркве Росси́йския!

Конда́к 13

Оновомучениче и страсотерпче Христовъ
всечестне, Иоанне, па́стырю Царскосельский!
Приими́ убо́гое пѣ́ние от нас, недостойных,
чтущихъ святу́ю па́мь твою́, и изба́ви нас
моли́твами твоими́ от бѣдъ настоящихъ, па́че же от
вѣчны́хъ смѣ́рти, да дости́гнув обите́лей
Небе́сныхъ, и мы́ с тобо́ю и все́ми святы́ми
воспева́ти бу́дем Бо́гу вѣ́чно: Аллилу́иа!

Этот конда́к чита́ется три́жды, затѣ́м И́кос 1
и Конда́к 1.

Моли́тва

Освященномучениче Иоанне, па́стырю
Царскосельский! Предстоя́ще предъ ико́ною
твоёю, мо́лимся ти́, я́ко посреде́ насъ су́щему:
помози́ намъ, грѣ́шнымъ, досто́йнымъ бы́ти твоего́ о
насъ къ Бо́гу ходата́йства. Укрепи́ ны́ во
благоче́стии и ве́ре правосла́вной вся́ дни́
живо́та на́шего во е́же безпреткнове́нно ходи́ти
намъ путе́мъ отце́в на́шихъ и соблюда́ти уста́вы и
обы́чаи святы́хъ, в земли́ на́шей просия́вшихъ.
Научи́ ны́ вну́тренняго челове́ка на́шего
евангелско́ю добродѣ́телию украша́ти и иска́ти
Ца́рствия Бо́жия па́че земныхъ и тле́нныхъ ми́ра
сего́; немощну́ю во́лю на́шу незы́блемо утверди́ в

зако́не Господне́м; ре́вностию к де́лам богоуго́дным и спаси́тельным воодушеви́ теплохла́дное се́рдце на́ше; изба́ви ны́ от себялю́биа, тщесла́вия и лука́вства; поры́вы гне́ва и неразу́мια на́шего укроти́; нра́в на́ш гордели́вый смиренному́дрием украси́; искорени́ небреже́ние и ле́ность из серде́ц на́ших; уста́ на́ша, друг дру́га осужда́ющая, испо́лни чи́стаго хвалё́ния Бо́жия; да́руй на́м умиле́ние в моли́тве, ожесточе́нность на́шу врачу́ющее; посреде́ ро́да развраще́ннаго и прелюбоде́йнаго кро́тость, незло́бие и целому́дрие соблюсти́ помози́. Па́че же всего́ наста́ви к пока́нию во гресе́х пре́жней жи́зни на́шея, да очи́стимся от все́х нечи́стот и страсте́й, и, моли́твою твоёю поспешеству́емы, дости́гнем гра́да Бо́жия, в него́же ничто́ скве́рно вни́ти мо́жет, сла́вяще Тро́ицу Святу́ю во ве́ки веко́в. Ами́нь.

